

СОДЕРЖАНИЕ

Молитвы утренние	3
Молитвы на сон грядущим	24
Каноны	
Покаянный ко Господу нашему Иисусу Христу, Молебный ко Пресвятой Богородице, к Ангелу Хранителю	47
Последование ко Святому Причащению	81
Благодарственные молитвы по Святом Причащении	115
<i>Об Исповеди и Причастии</i>	<i>124</i>

МОЛИТВЫ УТРЕННИЕ

Восстав от сна, прежде всякого другого дела, стань благоговейно, представляя себя пред Всевидящим Богом, и, совершая крѣстное зна́мение, произнеси:

Во і́мя Отца́, и Сы́на, и Свята́го Ду́ха. Ами́нь.

Затем немного подожди, пока все чувства твои не придут в тишину и мысли твои не оставят все земное, и тогда произноси следующие молитвы без поспешности и со вниманием сердечным:

Молитва мытаря

Бо́же, ми́лостив бу́ди мне грѣшному.
(Поклон)

Молитва предначинательная

Го́споди Иису́се Христѣ, Сы́не Бо́жий, моли́тв ра́ди Пречи́стыя Твоея́
Ма́тере

Мáтере и всех святы́х, помíлуй нас.
Амíнь.

Сла́ва Тебе́, Бо́же наш, сла́ва Тебе́.

Молитва Святому Духу

Царю́ Небе́сный, Уте́шителю, Ду́ше и́стины, Иже вездé сый и вся исполня́яй, Сокро́вище благи́х и жи́зни Пода́телю, прииди́ и всели́ся в ны, и очи́сти ны от вся́кия скве́рны, и спаси́, Бла́же, ду́ши на́ша.

[От Пасхи до Вознесения вместо этой молитвы читается тропарь:

Христóс воскресе́ из ме́ртвых, сме́ртию смерть попра́в, и сущим во гробéх живо́т дарова́в. (Трижды)

От Вознесения до Троицы начинаем молитвы со «Святы́й Бо́же...», опуская все предшествующие.

Это замечание относится и к молитвам на сон грядущим.]

Трисвятое

Святы́й Бо́же, Святы́й Кре́пкий, Святы́й Безсме́ртный, поми́луй нас.

(Читается трижды, с крестным знаменiem и поясным поклоном.)

Сла́ва Отцу́ и Сы́ну и Свято́му Ду́ху, и ны́не и прі́сно и во ве́ки веко́в. Ами́нь.

Молитва ко Пресвятой Троице

Пресвята́я Тро́ице, поми́луй нас; Го́споди, очисти́ грехи́ на́ша; Влады́ко, прости́ беззако́ния на́ша; Святы́й, посети́ и исцели́ немо́щи на́ша, и́мене Твоего́ ра́ди.

Го́споди, поми́луй. *(Трижды)*

Слава, и ныне.

Молитва Господня

Отче наш, Иже еси́ на Небесѣх! Да святѣ́тся и́мя Твое́, да прии́дет Ца́рствие Твое́, да бу́дет во́ля Твоя́, ꙗ́ко на Небесѣх, и на землѣ́. Хлеб наш насущный даждь нам днесь; и оста́ви нам до́лги на́ша, ꙗ́коже

якоже и мы оставляем должникóм нашим; и не введи нас во искушéние, но избáви нас от лукаваго.

Тропари Троичные

Востáвше от сна, припадаем Ти, Блáже, и áнгельскую песнь вопиém Ти, Сильне: Свят, Свят, Свят еси́, Бóже, Богорóдицею помíлуй нас.

Слава: От одра́ и сна воздв́игл мя еси́, Гóсподи, ум мой просвети́ и сéрдце, и устне́ мои́ отв́ерзи, во éже пéти Тя, Святáя Трóице: Свят, Свят, Свят еси́, Бóже, Богорóдицею помíлуй нас.

И ныне: Внеза́пно Судия́ приидет, и коегóждо дея́ния обнажа́тся, но стра́хом зове́м в полу́нощи: Свят, Свят, Свят еси́, Бóже, Богорóдицею помíлуй нас.

Гóсподи, помíлуй. (12 раз)

Молитва ко Пресвятой Троице

От сна востáв, благодарю́ Тя, Святáя Трóице, я́ко мно́гия ра́ди Твоея́ бла́гости

и долготерпѣнія не прогнѣвался еси́ на
мя, лѣнѣваго и грѣшнаго, ниже́ погубѣл
мя еси́ со беззакѣнными моими́; но чело-
веколю́бствовал еси́ обы́чно и в неча́я-
нии лежа́щаго воздвѣгл мя еси́, во́ еже
у́треневати и славослѣвити держа́ву
Твою́. И ны́не просвети́ мой ѡ́чи мы́с-
ленныя, отвѣрзи́ моя́ уста́ поуча́тися
словесѣмъ Твои́мъ, и разумѣ́ти за́поведи
Твоя́, и творѣ́ти во́лю Твою́, и пѣ́ти Тя
во исповѣ́даніи серде́чномъ, и воспева́-
ти всесвято́е ѡ́мя Твое́, Отца́ и Сы́на
и Свята́го Ду́ха, ны́не и прѣ́сно и во ве́-
ки веко́в. Ами́нь.

Приидѣ́те, поклонѣ́мся Царѣ́ви на́-
шему Бо́гу. *(Поклон)*

Приидѣ́те, поклонѣ́мся и припадѣ́м
Христу́, Царѣ́ви на́шему Бо́гу. *(Поклон)*

Приидѣ́те, поклонѣ́мся и припадѣ́м
Самому́ Христу́, Царѣ́ви и Бо́гу на́шему.
(Поклон)